

Date – 07/08/2025

Time - 18:30 -18:40Hrs

AKASHVANI AIZAWL

REGIONAL NEWS BULLETIN

HEADLINES (EVENING)

1. National Highway 06 Kawnpui leh Sairang inkar thawm that hna chu zovin zanin hian nitin mamawh phur lirthei te chhuah an ni ang.
2. Health Minister Pi Lalrinpui'n Zoram Medical College & Hospital (ZMC&H) Founding Day vawiin khan MUHCS hnuaiah ZMC&H chu thum chak mek a ni a ti.
3. National Handloom Day vawi 11-na pualin vawiin khan Mizoram hmun hrang hrangah hun hman a ni
4. Prime Minister Narendra Modia chuan loneitute tana hamthatna pek chu a sawrkar ngaih pawimawh ber anih thu sawiin loneitute sum lakluh tipung turin theihtawp chhuah a nih thu a sawi.



NH

National Highway 06 Kawnpui leh Sairang inkar thawm that hna thawh mekah a chhe nasa lai ber leh khawih harsa lai ber ni a ngaih Zoram Mega Food Park, Khamrang bul kawngpui hnawhkhah hna chu vawiin hian zawh hman beisei a ni.

Sorkar thuchhuah tarlan danin, helai kawng chhe lai hi metre 100 vel niin vawiin chawhnu dar 2:00 thleng khan metre 80 chu boulder a hnawhkhah a ni tawh a, Excavator 2, Vibratory Roller 1 leh Grader 1 hmanga hna thawh a ni a, kawngpui sir tawn tawnah tuihawk luankawr tha taka hai a ni bawkw dawn a ni.

Kawngpui thawm that hna thawktu NHIDCL ten Kawnpui leh Sairang road ah One Way a motor tlan tir an in huam tawh ang in, zanin dar 6:00 atangin nitin mamawh phur lirthei bak ah lirthei lianchi ke 10 nei te thlengin chhuah an ni ang a, hun a la awm chuan ke 12 nei pawh chhuah an ni leh ang.

Lirtheia eizawng pawl hrang hrang hruaitu zinga mi, MTDA President Pu H. Laldingliana chuan sorkarin in lirthei a kal theih an tih chuan an member te kal duh an awm chuan an dang lo tih a sawi a, sorkar hnenah pawh an duhdan hrilhin lirthei

rit tak tak ten kawng an rap khuar leh dawn avangin kawng khuar hnawhpinna tur lung leh lirthei tangte nawrchhuaktu tur inehhawp sa se an duh tih an lo sawi tawh a ti a ni.



ZMC FOUNDING DAY

Health and Family Welfare Minister Pi Lalrinpui'n MUHCS hnuaiah Zoram Medical College & Hospital (ZMC&H) chu thuam chak mek a ni a, nau pai lama harsatna neite damdawi thiamna hmanga nau pai tirna, In Vitro Fertilization (IVF) centre neih tumin hmalak mek a ni tih a sawi.

He thu hi vawiina Zoram Medical College & Hospital (ZMC&H), Falkawn din champha vawi 7-na a hmanpuinaah a sawi a, Health Minister Pi Lalrinpui chuan ZMC&H chu Mizoram Universal Health Care Scheme (MUHCS) hnuaia cashless a damlo enkawl nasa ber zinga mi a ni chu lawmawm a tih thu a sawi a, kumin April ni 1 atanga MUHCS kalpui a nih hnuaah ZMC&H chu thuamchak leh tihchangtlun chhoh mek a ti a, sorkar chuan nurse leh staff engemawzat a pek belh tawh a, cabin 30 leh ICU 13 a pek belh bawk a, operation theatre (OT) 3 an siam leh dawn tih sawiin, IVF centre neih tumin ZMC&H-ah hian hma lak chhoh mek a ni tih a sawi bawk a ni.

BYTE: Health Minister

Hetihlai hian Mizoram Health Care Society CEO ah Dr Lalhriatzualin Ralte, IAS chu dah thar a ni a, hemi chungchang order hi nimin khan sorkar chuan tichhuakin, LESDE Special Secy hna bakah Health Care Society CEO hna hi a chelh kawp dawn a ni.

ZMC & H Founding Day lawmnaah hian ZMC&H Director, Dr. John Zohmingthanga'n thusawiin, kum 2018 khan ZMC&H chu khum 150 bawr vela bul tan a ni a ti a, kum 2024 ah khum 420 awmin, sawrkar hmalakna a MUHCS kalpui a nih hnu hian khum 85 awm belhin tunah chuan khum 505 a awm tawh thu a sawi a. Heng bakah hian ICU leh Special Ward hawn belh tum a nih thu a sawi bawk a ni.

Byte: ZMC&H Director, Dr. John Zohmingthanga

He hunah hian MBBS Intern Hostel thar khum 60 awmna hawn nghal a ni a, tun dinhmah ZMC&H ah hian MBBS zirlai 394 awm mekin, Internship ti mek 98 an awm a, ZMC&H atang hian Batch hnih (2018 & 2019 Batch) atangin MBBS zir chhuak 189 an awm tawh a. Hei bakah hian ZMC&H zirlai te'n National Level Essay Writing Competition on Family Adoption Programme-ah zirlai pahnihin lawmman an lo dawng tawh a, National Level Quiz Competition-ah 11-na niin lawman an lo dawng tawh bawk a ni. (Corr: Maremi)



LENGPUI AIRPORT FORUM

Airport tha Mizoram in a neih theihna tura Union Home Minister Pu Amit Shah-in intiamkama a neih te umzui a hmala nghal turin sorkar an ngen tih Lengpui Airport Forum chuan an sawi.

Vawiin khan thuchhuah siamin, Lengpui Airport Forum chuan a RTI hmang a zawhna Mizoram Sawrkar GAD-Aviation Wing in a chhanna atangin Lengpui Airport tihchangtlunna tura AAI kuta hlanna tur bawhzuina tak tak a la awm lo tih

hriat a ni tih sawiin Lengpui Airport tha, changtlung leh him neih thuai anih theih nan Sawrkarin hma la thuai se4 an ti a, Pu Amit Shah-a hun tiam ral hma thla hnih vel chauh awm tawh chu a liam hma ngeiin Chief Minister leh a kaihhruai Sawrkar hian ti hlawhtling ngei se an ti a ni.

<><><>

TOURISM & IRCTC MOU

Mizoram sorkar Tourism Department leh sorkar laipui Ministry of Railways hnuai PSU hnuai Indian Railway Catering & Tourism Corporation (IRCTC) te chuan vawiin khan Mizoram a Tourism hmasawna atan thawhhona thuthlung an ziak.

Thawhhona thuthlung hi Lalthakimi Pachuau, Joint Director, Tourism Department leh RN Ranmung, Chief Regional Manager, IRCTC, Guwahati ten kum hnih atan an ziak a. He thawhhona thuthlung hian nasa leh zuala Mizoram in tourism lama hmasawn theihna tura hmalakte, khualzin te awlsam zawka an inkal pawh theihnan te, awmze nei zawk a khualzin te hmunhma an tlawh tur an tlawh theihnan te leh an hmun tlawh turte an duhdan mila duansak bakah khualzin tam zawkin kan ram an tlawh theihnan a hmalak te leh thildang tam tak a tel a ni.

Kan corr report lo ngaithla ang.

Tourism Department leh IRCTC thawhdunna tur hi kumin september thla vela Aizawl a rel lo lut mai tur atana tangkai tak a ni dawn tih sorkar chuan a sawi a. IRCTC hian Mizoram mipuite khawvel hmun zau zawk nen a thlunzawm turin October thla chhung hian Special Tourist Train rawn luh tir an tum thu an sawi a ni. State chhunga hmunhma mawi leh tlawh turte tour package a siamin zauzawk a khualzin hip theihna tur kawngah nasa takin hma an la dawn a. Heng bakah man man zawka tlawh theihna tur outbound tour package te an chhawpchuak dawn bawk a ni.

<><><>

AIR NEWS

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve ah Chanchinthar puan leh a ni ang.

<><><>

NATIONAL HANDLOOM DAY

National Handloom Day vawi 11-na pualin vawiin khan Mizoram hmun hrang hrangah hun hman a ni a, naktip thleng khian puantahtute kutchhuak phochhuahna Handloom expo neih nghal a ni ang.

Akashvani Aizawl zawhna chhangin Commerce and Industries Department, HTH Deputy Director, Pi Hunthianghlimi chuan Ministry of Textiles Weavers' Service Centre te nen tangrual a he hun hu buatsaih an ni a ti a, he hunah hian hmun hrang hranga puantah lama eizawng mi 100 chuang an kalkhawm a ni.

Pi Hunthianghlimi chuan puantah chu eizawna tlak a ni a ti a, handloom-a eizawng turin sorkar laipuiin tanpuina tam tak a siamchhuak a, thalaite mahni kutke a ding turin handloom-ah eizawna a awm a ti a, pawl 12 pass chin tan Diploma in Handloom Textiles & Technology kum 3 leh a chanve zir tur a awm a, heta zirchhuakte tan hian central scheme direct in a hmuh theih a, sorkar laipui chuan thalaite tan vocal for local tiamin platform tam tak a buatsaih a ti a, kuminah he diploma zir tur Mizo thalai an hmu zolo chu Department-a thawkte tha a na hle a ti a, Mizo thalaite chu handloom field a lut turin a sawm a ni.

Byte: Deputy Director Pi Hunthianghlimi

Pi Hunthianghlimi chuan National Handloom Day hmanna pui ber- Bharat Mandapam, New Delhi-a President Droupadi Murmu hova hmannaah Commerce & Industries Department chuan Mizoram atangin puantahtu mi 5 a tir a, he hun lawmna pakhat central sawrkarin a buatsaih 'Exclusive Handloom Expo' Handloom Haat Janpath, New Delhi a neihah Mizoram aiawhin, Lapar leh Fungki te an tir baw k a, an dawr a lunin an inhralh tha hle a ti.

Weavers' Service Centre (WSC) Aizawl HoO Asstt. Director Utpal Ch. Baro chuan National Handloom Day chu kum 1905-a Swadeshi Movement hriatreng nan kumtin August ni 7-ah hman thin a ni a ti a, he ni hi India puantah lama hausakna chawisanna leh puantahtute thlawpna atana hman thin a ni a ti a, puan tah lama thawk tha te hnenah Sant Kabir Award leh National Award-ah an hlan thei chu lawmawm a tih thu a sawi a ni.



VICE PRESIDENTP

Vice President inthlan chungchang hriattirna vawiin khan Election Commission chuan a ti chhuak. Vawiin atangin Vice President inthlan chuh tumte tan hming thehluhna hun hawn nghal a ni a. Tun thla ni 21 thleng nomination hi thehluh theih a ni ang a. Thlaleh Septermber ni 9 ah inthlan a ni ang.

Puan tawh angin thla hmasa khan Vice President tanglai Jagdeep Dhankar a ban avangin Vice President thar hi thlan tura ruahman a ni a. Tun tum ami hi Vice President 17 na tur a ni a. Lok Sabha leh Rajya Sabha memberten Vice President hi an thlang thin a ni.



SMART CITIES

Smart Cities Mission hnuaiah project sangriat chuang zawhfel a ni tawh. Lok Sabha-a zawhbelhna chhangin Union Urban Affairs Minister Manohar Lal chuan project zaa 95 zawh tawh a ni a ti a. Kum 2015 ah Smart Cities Mission hi tan anih thu sawiin khapwui za chuanga cheng mipuiten an chankan pah hle a ti a. Smart Cities Project atan hian cheng vaibelchhe nuai 1 sing 5 leh sang 3 chuang sen tawh a ni a ti baw k.



PM

Prime Minister Narendra Modia chuan loneitute tana hamthatna pek chu a sawrkar ngaih pawimawh ber anih thu sawiin loneitute sum lakluh tipung turin theihtawp chhuah a nih thu a sawi. Vawiina M.S Swaminathan Centenary International Conference New Delhi-a neihah he thu hi sawiin Pu Modia chuan sawrkarin loneitute sum lakluh ti pung tur leh an senso titem turin chhum lo chat lovin hna a thawk tih a sawi a. Ram hmasawna tur hian loneitute theihna chu a pawimawh hle tih sawrkarin a hriat thu a sawi bawk a ni.

<><><>